

Die 21 Octobris
S. Hilarionis, abbatis.

Ant. ad introitum

Ps 15, 5

Dominus pars hereditatis meæ et cálicis mei;
tu es qui restitues hereditatem meam mihi.

Collecta

Da nobis, quæsumus, Dómine, inter mundi varietates,
toto corde rebus cælestibus adhærere,
qui per beátum Hilariónem abbátem
evangélicæ nobis perfectiónis documénta donásti.
Per Dóminum.

LECTIO PRIOR

«*Omnia detrimentum feci, ut Christum lucrifaciam*»

Lectio Epistolæ beáti Páuli ad Philippenses 3, 7-8. 12-14

Fratres :

Quæ mihi erant lucra, hæc arbitrátus sum propter Chri-
tum detriméntum. Verúmtamen existimo ómnia detriméntum

esse propter eminentiam scientiæ Christi Iesu Dómini mei, propter quem ómnia detriméntum feci et árbitor ut stércora ut Christum lucrí faciam.

Non quod iam accéperim aut iam perféctus sim, pésequor autem si umquam comprehéndam, sicut et comprehénsus sum a Christo Iesu.

Fratres, ego me non árbitor comprehendisse; unum autem, quæ quidem retro sunt obliviscens, ad ea vero quæ ante sunt exténdens me, ad destinátum pésequor, ad bravíum supérnæ vocatiónis Dei in Christo Iesu.

Verbum Dómini.

PSALMUS RESPONSORIUS

Ps 26, 1. 4. 8 et 11 9R.: 'b)

R̃. Fáciem tuam, Dómine, requíram.

1 Dóminus illuminátio mea et salus mea, quem timébo?
Dóminus protéctor vitæ meæ, a quo trepidábo? R̃.

2 Unum pétii a Dómino, hoc requíram:
ut inhábitem in domo Dómini
ómnibus diébus vitæ meæ,
ut vídeam voluptátem Dómini, et visitem templum eius. R̃.

3 Fáciem tuam, Dómine, requíram.
Osténde mihi, Dómine, viam tuam,
et dirige me in sémitam rectam. R̃.

ALLELUIA

Phil 3, 8-9

R̃. Alleluia Ṽ. Omnia detriméntum feci et árbitor ut stércora ut Christum lucrifaciam et invéniam in illo. R̃. Allelúia.

EVANGELIUM

«Si granum frumenti mortuum fuerit, multum fructum affert»

✠ Lécitio sancti Evangélii secúndum Ioánnem 12, 24-25

In illo témpore :

Dixit Iesus discipulis suis: «Amen, amen dico vobis: Nisi granum fruménti cadens in terram mórtuum fúerit, ipsum solum manet; si autem mórtuum fúerit, multum fructum affert. Qui amat ánimam suam, perdit eam, et qui odit ánimam suam in hoc mundo in vitam ætérnam custódiat eam.»

Verbum Dómini.

Super oblata

Clementíssime Deus, qui vétère hómine consúmpto, novum secúndum te, in beáto Hilarióne, creáre dignátus es, concéde propítius: ut nos páriter renováti hanc placatiónis hóstiam tibi acceptábilem offerámus. Per Christum.

Ant. ad communionem

cf Matth. 19, 27-29

Amen dico vobis, quod vos qui reliquistis ómnia, et secúti estis me, céntuplum accipiétis, et vitam ætérnam possidébistis.

Post communionem

Quæsumus, omnipotens Deus, ut qui huius sacraménti munímur virtúte, exémplo beáti Hilariónis, discámus te super ómnia semper inquirere, et novi hómínis formam in hoc sæculo portáre Per Christum.